

**Meeqqat pillugit inatsisip aamma meeqqat pilersorneqarnerat pillugu inatsisip Kalaallit Nunaannut atuutilersinneqarnerisa malitsigisaannik meeravissiarartarnermut inatsisip, angajoqqaat akisussaannerat pillugu inatsisip aamma inatsisit assigiinngitsut allat allannguutaannik Kalaallit Nunaannut atuutilersitsinissamik peqqussut**

UAGUT MARGRETHE AAPPAAT, Guutip Saammaanneratigut Danmarkip Dronningia, nalunaarpugut:

Eqqartuussisarneq pillugu inatsimmi inatsisinilu assigiinngitsuni allani allannguutit (Meeqqat pillugit inatsisip il.il. malitsigisaannik allannguutit) inatsimmi nr. 461 7. juni 2001-meersumi § 11, imm. 2, malitsigisaannik, angajoqqaat akisussaannerat pillugu inatsimmi § 49, imm. 2, tak. inatsit nr. 499 6. juni 2007-meersooq, inatsimmi nr. 1794, 28. December 2023-meersumi § 3 aqqutigalugu allanngortinneqartumi, meeqqat pillugit inatsimmi, meeravissiarartarneq pillugu inatsimmi, eqqartuussisarneq pillugu inatsimmi inatsisinilu assigiinngitsuni allani (Anaanaqataassuseq il.il.) allannguutit malitsigisaannik inatsimmi nr. 652 12. juni 2013-meersumi § 10, imm. 2, angajoqqaat akisussaannerat pillugu inatsimmi, Familieretshuset pillugu inatsimmi, katissimasutut apparilersarneq atorunnaarsitsisarnerlu pillugu inatsimmi aamma inatsisini assigiinngitsuni allani malillugu allanngortinneqartumi (Pinngitsoornani najugaqatigiittussaannermik atorunnaarsitsineq aamma ilaqutariinnut inatsisinik aqqissuussaannermik nutaamik pilersitsinermik malittareqqiineq il.il.) allanngutit malitsigisaannik inatsimmi nr. 962 26. juni 2020-meersumi, § 14, imm. 2, aamma meeqqat pillugu inatsimmi, atsiisarneq pillugu inatsimmi aamma inatsisini assigiinngitsuni allani (Anaanaqataassutsimik nalunaarsuisarnermik eqaallisaaneq, inuit assigiinngitsunik suaassuseqartut angajoqqaajussusaannik aalajangersaasarneq aamma inuit assigiinngitsunik suaassuseqartut aqqinik allanngortitsisarneq il.il.) allannguutit malitsigisaannik inatsimmi nr. 227 15. februar 2022-meersumi § 9, imm. 2, 1. pkt., aalajangerneqarpoq:

**§ 1**

Meeravissiarartarneq pillugu inatsimmi, Kalaallit Nunaannut atuutilersinneqarsimasumi, tak. kunngip peqqussutaa nr. 410 21. april 2010-meersooq, kunngip peqqussutaani nr. 188 9. februar 2021-meersumi § 1 aqqutigalugu allanngortinneqartumi, tulliuttuni allanngortinneqassapput:

**1. § 18, imm. 1, 1. pkt.-imi, »meeravik, aamma meeraq, allanngortinneqassapput imaalillugit: »meeraq, aamma meeravissiaq«.**

**§ 2**

Angajoqqaat akisussaannerat pillugu inatsimmi, kunngip peqqussutaa nr. 680 6. juni 2016-meersooq aqqutigalugu Kalaallit Nunaannut atuutilersinneqartumi, kunngip peqqussutaani nr. 188 9. februar 2021-meersumi § 2 aqqutigalugu allanngortinneqartumi, tulliuttuni allanngortinneqassapput:

**1. § 6, imm. 2, nr. 1 aamma 2, ima oqaasertalerneqassapput:**

- »1) angut averusersimasooq imaluunniit anaanaqataasooq akuersissutiginninneq imaluunniit eqqartuussut naapertorlugit meeqqap ataataatut imaluunniit anaanaqataasut isigineqassapput imaluunniit
- 2) angajoqqaat nalunaarsimapput § 7, imm. 1, nr. 1, taamaattoq tak. § 7, imm. 2. malillugu«

**2. § 7, imm. 1 aamma 2, ima oqaasertalerneqassapput:**

»Angajoqqaat, imminnut katissimanngitsut, ataatsimoorussamik angajoqqaatut oqartussaassuseqassapput

1) meeqqat pillugit inatsimmi, kunngip peqqussutaatigut Kalaallit Nunaannut atuutilersinneqarsimasumi, § 2, imm. 1, § 3 b, imm. 1, § 14, imm. 1, 3 imaluunniit 6, imaluunniit § 19, tak. § 14, imm. 1, 3 imaluunniit 6, nalunaarsimappata, peqatigiillugit meeqqamut isumassuineq akisussaaffillu isumagiimagitsik,

2) § 9 malillugu ataatsimoorussamik angajoqqaatut oqartussaassuseqarnissaq pillugu isumaqatigiissuteqarsimappata imaluunniit

3) angut, meeqqat pillugu inatsimmi, kunngip peqqussutaatigut Kalaallit Nunaannut atuutilersinneqarsimasumi, § 1 a malillugu, meeqqamut ataataasutut nalunaarsorneqarsimappat.

*Imm. 2.* Taamaattoq tamanna atuutissanngilaq, imm. 1, nr. 1-imi nalunaarut, tunniunneqarsimappat, Kalaallit Nunaanni eqqartuussisarneq pillugu inatsimmi § 283, imm. 2-mi, angajoqqaatut oqartussaassuseqarneq pillugu apeqqutip Kalaallit Nunaanni suliarineqarnissaanik piunasaqaatit naammassineqarsimanngippata.«

**3. § 7, imm. 3-mi,** »ataatatut« kingorna ivertinneqassaaq: »imaluunniit arnaq anaanaqataasutut«.

### § 3

Nunani avannarlerni ataataassutsimik akuersissutiginnitarneq pillugu inatsimmi aamma inuinnartut inatsisitigut piunasaqaatit pillugit nunani avannarlerni aalajangiussanik akuersissutiginninneq atuutilersitsinerlu pillugit inatsimmik allannguinermi, kunngip peqqussutaa nr. 482 28. august 1982-imeersoq aqqutigalugu Kalaallit Nunaannut atuutilersinneqartumi, tulliuuttuni allanngortinneqassapput:

**1.** Peqqussutip *qulequtaa* ima oqaasertalerneqassaaq:

**»Ataataassuseq aamma anaanaqataassuseq pillugit nunani avannarlerni aalajangiinernik akuersissutiginninneq pillugu inatsisip Kalaallit Nunaannut atuutilersinneqarnissaanik peqqussut«.**

**2. § 3, nr. 1,** inatsimmi, Kalaallit Nunaannut atuutilersinneqarsimasumi, ima oqaasertalerneqassaaq:

»1) eqqartuussut imaluunniit aalajangersaaneq aalajangiinermut, Kalaallit Nunaanni pinngitsoornani atuuttussaasumut, akerliuppat, tamannalu pillugu suliaq aallartinneqarsimappat, eqqaartuussivimmi suliaq aappaata pilersinneqarnissaa sioqqullugu, imaluunniit aalajangersaanerup pinissaa sioqqullugu,«.

**3. § 4** inatsimmi, Kalaallit Nunaannut atuutilersinneqarsimasumi, ivertinneqassaaq:

»§ 4 a. §§ 1-4 tamatumunnga assingusumik anaanaqataassutsimi atuutissapput.«

### § 4

Taarsiiviginninnissamut akisussaaneq pillugu inatsimmi, kunngip peqqussutaa nr. 1078 11. september 2015-imeersoq aqqutigalugu Kalaallit Nunaannut atuutilersinneqarsimasumi, tulliuuttuni allanngortinneqassaaq:

**1. § 14, 1. pkt.-imi,** »Kalaallit Nunaanni meeqqat inatsisitigut inissisimaffiat pillugu inatsimmi« imaalillugu allanngortinneqassaaq: »meeqqanik pilersuineq pillugu inatsimmi, kunngip peqqussutaatigut Kalaallit Nunaannut atuutilersinneqarsimasumi«.

### § 5

Inuit Qitiusumik nalunaarsorsimaffiat pillugu inatsimmi, kunngip peqqussutaa nr. 1198 29. november 2006-imeersoq aqqutigalugu Kalaallit Nunaannut atuutilersinneqarsimasumi, kunngip peqqussutaa nr. 449 23. maj 2016-imeersoq aamma kunngip peqqussutaa nr. 681 6. juni 2016-imeersoq aqqutigalugit Kalaallit Nunaannut atuutilersinneqarsimasumi, tulliuuttuni allanngortinneqassaaq:

**1. Bilag 1, nr. 7-mi,** »ataataq« kingorna marlunni ivertinneqassaaq: »imaluunniit anaanaqataasoq«.

### § 6

*Imm. 1.* Peqqussut atuutilersinneqassaaq ulloq 1. april 2024.

*Imm. 2.* Angajoqqaat akisussaanagerat pillugu inatsimmi, kunngip peqqussutaa nr. 680 6. juni 2016-imeersoq aqqutigalugu Kalaallit Nunaannut atuutilersinneqartumi, peqqussummi matumani § 2, nr. 1 aamma 2, malitsigisaannik, kunngip peqqussutaani nr. 188 9. februar 2021-mi § 2 aqqutigalugu allanngortinneqartumi, § 6, imm. 2, nr. 2, § 7, imm. 1, nr. 1, aamma § 7, imm. 2-mi allannguutit taamaallaat meeqqanut atuutissapput, peqqussutip atuutilersinneqarnerata kingorna inunngortunut.

*Amalienborgimi tunniunneqarpoq ulloq, 15. marts 2024*

Kunngisut Atsiorpugut Naqissusiillutalu

FREDERIK R.

/ Pernille Rosenkrantz-Theil